

Ljubomir JAJČANIN - BIJELI:

NA KRUŠKOVCU JUNA 1942.

Za vrijeme ofanzive na Kozaru, bio sam vodnik u Prvoj krajiškoj brigadi. Jednoga dana, Mikan Marjanović i ja smo određeni da svojim vodovima postavimo zasjedu na cesti Prijedor - Bosanska Dubica. Mikan je bio prema Bosanskoj Dubici, a ja desno od njega, prema Knežici. Bilo je to, koliko se sjećam, 27. juna 1942. Zaposjeli smo cestu, postavili zasjedu i čekali da neprijatelj naidje. On se tih dana slobodno kretao i dopremao svoje snage i ostalo u Medjuvodje i dalje prema Kozari. Nismo dugo čekali. Od Bosanske Dubice čuli smo kamione. Istina, u prvo vrijeme nismo znali da li su kamioni ili tenkovi, /nismo imali sredstava za borbu protiv tenkova/. Od naoružanja smo imali karabine, puškomitraljeze i nešto bombi. Kada smo primjetili kamione, odlučili smo se da ih pustimo što bliže, tačno medju nas. Ja sam se nalazio na čelu voda. U mojoj blizini bio je Boro Abramović. Naredio sam da niko ne smije da otvara vatru prije moje naredbe. Kada su kamioni došli do nas, opalio sam, a zatim su borci plotunskom vatrom ošinuli po kamionima. Za kratko vrijeme sve je bilo gotovo. Neprijatelj nije uspio da pruži otpor i sa njime smo se brzo obračunali. Kamioni su bili puni vojnika. Počeli su poginuli da ispadaju, a oni koji nisu bili pogodjeni počeli su da bježe i da pucaju, ali je sve bilo kasno. Bile su to ustaše i Nijemci. Tada smo zarobili ljekara Radonića, koji je prije rata radio u Bosanskoj Dubici.

Dok smo mi uništavali preostale vojnike naišao je neprijatelj na naše lijevo krilo /tu se nalazio Mikan Marjano-

vić sa svojim vođom/. On se morao da povuče, pa smo se i mi povukli. Ne znajući kuda smo se izvukli neprijatelj je krenuo ka mjestu na kome smo dočekali i zapalili kamione. No, tu su mogli samo da nadju svoje mrtve vojnike i izgorjele kamione. Uništeno je nekoliko kamiona sa ustašama i Nijemcima i vojnim materijalom. To je bila uspješna i dobro izvedena akcija od strane dva vođa 3. bataljona Prve krajiške brigade. Akcija je izvedena drugi dan po neuspjelom proboju ovoga bataljona preko Medjuvoda u Kozaru.

Arhiv Bos. krajiine B. Luka

ABK 209-009-001